

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON  
OPĆINSKI SUD U TRAVNIKU  
Broj: 51 0 V 228715 26 I 2  
Travnik, 21.04.2026. godine

Općinski sud u Travniku, sudija Vedran Bijelić, u vanparničnom postupku predlagatelja Mirsade Jusić, ul. Poturmahala broj 64A, Travnik, koju zastupa punomoćnik Mirza Lepir, advokat iz Travnika, protiv protupredlagatelja Abdullah Nekemi, ul. Poturmahala broj 64A, Travnik, radi diobe nekretnine i pokretnine u suvlasništvu, vrijednost spora 54.009,00 KM, dana 21.04.2026. godine donio je

## ZAKLJUČAK

### I

Određuje se prvo ročište za javnu prodaju:

- pokretnine i to putničkog automobila, marke „Volkswagen-Passat CC“, broj šasije: WVWZZZ3CZBE749864, registarske oznake: M39-O-965, godina proizvodnje 2011., snaga motora 103 kW, radna zapremina 1968 cm<sup>3</sup>, upisan kao suvlasništvo Abdullah Nekemi, sin Muhameda, sa dijelom 1/2 i Mirsade Jusić, kći Derviša, sa dijelom 1/2, procijenjene vrijednosti u iznosu od 6.309,00 KM.

### II

Prodaja predmetne pokretnine, koja će se izvršiti usmenim javnim nadmetanjem, se određuje za dan 17.06.2026. godine, sa početkom u 09,30 sati, u zgradi ovog suda, ured broj 28.

### III

Vrijednost pokretnine iz tačke I ovog Zaključka je utvrđena na osnovu Nalaza i mišljenja vještaka mašinske struke Miroslava Radoša od 08.07.2025. godine u iznosu kako je to navedeno u tački I Zaključka.

### IV

Na prvom ročištu za javno nadmetanje pokretnina iz tačke I ovog Zaključka se ne može prodati ispod polovine utvrđene vrijednosti. Početne ponude za prvo ročište na iznose manje od polovine utvrđene vrijednosti neće biti razmatrane.

### V

Poreze i takse u vezi prodaje snosi kupac.

### VI

Na javnoj prodaji mogu učestvovati sve pravne i fizičke osobe, osim osoba navedenih u članu 88. Zakona o izvršnom postupku, a dužna su prije ročišta za prodaju na ime osiguranja uplatiti iznos od jedne desetine određene vrijednosti pokretnosti, s tim što osiguranje ne može iznositi više od 10.000,00 KM, i prije početka ročišta sudu su dužni predati uplatnicu iz koje je vidljivo da su osiguranje platili na depozitni račun Općinskog suda u Travniku broj: 3389002208351383, otvoren kod UniCredit banke d.d. Mostar, Filijala Travnik.

## VII

Od polaganja osiguranja oslobođeni su suvlasnici predmetne pokretnosti.

## VIII

Ponuđač sa najvišom ponudom na ročištu plaća ukupnu prodajnu cijenu umanjenu za položeno osiguranje polaganjem cijene sudu u roku od 30 dana od dana objavljivanja zaključka o prodaji nekretnine najpovoljnijem ponuđaču.

## IX

Ako kupac u određenom roku ne položi prodajnu cijenu, sud će zaključkom proglasiti prodaju tom ponuđaču nevaljanom i novim zaključkom odrediti da je pokretnost prodana drugom najpovoljnijem ponuđaču, koji treba da u roku koji odredi sud a koji ne može biti duži od 30 dana od dana prijema tog zaključka deponuje prodajnu cijenu. Ukoliko i drugi ponuđač ne položi prodajnu cijenu u predviđenom roku, sud će ova pravila primijeniti i na trećeg ponuđača.

## X

Ponuđačima čija ponuda nije prihvaćena, osim za tri najbolja ponuđača, osiguranje će se vratiti odmah nakon zaključenja javne prodaje.

## XI

Ovaj Zaključak će biti objavljen na oglasnoj ploči suda.

## XII

Ovaj Zaključak će biti dostavljen strankama i na oglasnoj ploči suda.

Pouka o pravnom lijeku:  
Protiv ovog Zaključka nije dozvoljen pravni lijek.

Sudija  
Vedran Bijelić